

Aen Gyoivenj Cienzyiengz Minzczu Vwnzva Ronghlweng

弘扬民族灿烂文化的摇篮

——Geiq Sanglinz Yen Dangzhungz Yangh Cunghsinhyau Hong Song Saw Vah Sonhag

□ bonjbauq gicej Mungz Yenginz Luj Sauh



Dangzhungz Yangh Cunghsinhyau laeuzsonhag.

Sanglinz Yen Dangzhungz Cunghsinhyau dieg youq Sanglinz Yen baih saebaek, bi 1926 laebbanh, fuzvu gvaengh Dangzhungz Yangh 10 aen mbanj caeuq song aen segih, daih'iek miz 5 fanh gyauejvunz, baihlaj guenj miz 7 aen siujyoz 10 aen gyaurozdenj.

Bi 1984 ndwen 9, aen yangh neix Sizmwanz Siujyoz haiguh Cuengh Gun song saw vah saedniemh sonhag, bi 2012 youh gietdingh youq daengx yangh sojmiz siujyoz haiguh Cuengh Gun song saw vah sonhag le, Swcigih Gyaueyuzdingh youq gyaueyenz gingh-fei、gaijndei hagdangz sezsih fuengmienh daihlig cihciz. Bi 2013, Gyaueyuzdingh hawj daengx yangh siujyoz haibanh Cuengh Gun song saw vah sonhag haenx moix boux lauxsae aen dennauj fwngzriuj ndeu, bi 2015 ndwen 5, youh hawj hagdangz sojmiz cunghaep siujyoz boiq hawj hagdangz gvangjbo hidungj, cunghsinhyau guhbaenz le aen gyausiz dohmeizdij sifan gvanh-mohgoq he, hagdangz gak cungj sezsih caeuq vanzging ndaej gaijndei haujlai. Dangqnaj, daengx aen

cunghsinhyau miz it nienzgaep daengz roek nienzgaep 88 aen ban, 2115 boux hagseng, 142 boux lauxsae.

Aen cunghsinhyau neix ciuqei cibroek cih sonhag fuengcim "Aeu Cuengh Guhcawj、Cuengh Gun Giethab、Aeu Cuengh Coi Gun、Cuengh Gun Cungj Rox" neix, haenq ca Cuengh Gun song saw vah sonhag, dawz minzczu vwnzva gyaueyuz caeuq gwnz dangz sonhag gaenjmaed giethab hwnjdaej, hawj gyoengq hagseng youq ndaw hagsib minzczu vwnzva bae ciepsouh maenhndei minzczu vwnzva roemzoeng, daj neix daej demgiengz hagseng minzczu saenq-sim, mbanj hagseng youq swcigih、yienhgaep gak loih doxdax cungj aeundaej cingzcik maenhndei.

Cunghsinhyau genhciz "doxgap、mbaqrap、cauxmoq" aen banhhag fuengyiengq neix, daihlig doicaenh Cuengh Gun song saw vah sonhag, cingzcik yienhda. Baenz le swcigih seiq aen "caepguh Cuengh Gun song saw vah gyaueyuz sifan gihdi" ndawde aen ndeu; Sizmwanz Siujyoz youq bi 1993 ndaej daengx gih

"Sawcuengh Haeuj Hagdangz Saed-niemh Senhcin Cizdij" cwnghauh, bi 1998 caeuq bi 2000 faenbied aeundaej Namzningz Digih Hingzsu j soengq hawj "Sawcuengh Haeuj Hagdangz Saedniemh Senhcin Cizdij" cwnghauh; daengx yangh miz 5 boux lauxsae ndaej senj haeuj Gvangjsih Bak Boux Cuengh Gun Song Saw Vah Mingzsw h Beizyangj Gunghcwnz beizyangj doiqsiengq; bi 2014 Gvangjsih Minzczu Bau daengj sinhvwnz meizdij baudauj hong song saw vah sonhag miz 12 bien; hagdangz gonqlaeng deng bingz guh Sigaep Cungh Siujyozyau Cangzveih Guenleix Hagdangz、Yienhgaep Vwnzmingz Hagdangz、Yienhgaep Gyaez Guek Veiswng h Senhcin Danhvei、Yienhgaep "Bujgiz Cuhdwngj Gyaueyuz" Dazbyauh Hagdangz; hagdangz dangcibhu deng bingz guh Yienhgaep Senhcin Dangcibhu, hagdangz sausenhduei deng bingz guh Yienhgaep Hungzgiz Dadui; hagseng camgya gak gaep gak loih doxdax cungj aeundaej cingzcik ndei……



▲ Swcigih Gyaueyuzdingh Minz-gyaucu Veiz Lanzmingz cucangj hawj daengx yangh lauxsae hwnjdangz.



▲ Bak boux Cuengh Gun song saw vah lauxsae mizmingz daengz Sizmwanz Siujyoz cijdauj gunghcoz.



▲ Swcigih Gyaueyuzdingh youq ndaw hagdangz guh gyaueyenz hozdung.



▲ Hagseng camgya gangj goj Vahcuengh doxdax.



▲ Bak boux lauxsae Cuengh Gun song saw vah sonhag mizmingz lauxsae hawj hagseng hwnjdangz.



▲ Hagseng camgya dangdieg mehlungz vwnzva hozdung.



▲ Hagdangz gawjbanh "Caengaenh vahcoj, louz goek rag Cuengh" cawjdaez hozdung.